

sol keyns uber nacht in der schul bliben noch nymand by ym halden. Man sol sy alle abende zu vesperczit in dy kisten vor den kinden in der chor tragen unde des morgens noch der frumesse wider in dy schule tragen nach alder gewonheynt unde dy bewarn, daz si ane not icht vorterbet werden, wenne sy mit den almosen geczüget sint.

28. Des schulmeisters gesellen, wer dy sind, sullen ouch wider der stad gebot cheine stechmesser nach andere vorbotene were nicht tragen nach des nachtes ane licht gen, hy der stad hulden, daz sol in der schulmeister vorbiten unde weren.

29. Ouch schol der schulmeister nach sine gesellen uf der schule nach darynne keynne kammer wider gemacht ane des rates der burgere laube nicht bauen noch machen. Den was man in der schule bauet, daz sal mit der burgere laube unde wissen geschen.

30. ^{a)} Über alle dyse obgsc(ribene) unser schulgeseczcze unde recht schol keyn schulmeyster noch schulgeselle cheyn recht noch lon gros noch cleyn zu seczczen noch legen in cheyner formen noch mase, wy dy benamet synd ader wurden by des rates hulden, sundern dy gesworn rad mit volbort der stad eldesten mogen dy obgsc(ribenen) geseczcze grosen, messingen unde ringen, wenne er daz zu fromen erkennet. Amen.

a) davor Fingerzeigezeichnung b) Ordnungszahlen jeweil am linken Rand davor geschrieben c) über die Zeile geschrieben, ersetzt durchgestrichenes unleserliches Wort d) Ordnungszahlen 6-12 vor und hinter den Textblock geschrieben e) folgt durchgestrichen ona out e) folgt durchgestrichen meysters g) Ordnungszahlen 19-25 hinter den Textblock geschrieben h) über die Zeile geschrieben i) folgt durchgestrichen antet j-j) am rechten Rand k) folgt durchgestrichen sind l) Druck siehe: Ermisch, Hubert, Die Zwickauer Stadtbücher und eine Zwickauer Schulordnung des 15. Jahrhunderts, in: NASG 20, 1899, S. 33-45. 2) Lectionen 3) Psalter

497.

1400 November 20

Hans Friberger leiht sich Geld und setzt seinen Besitz als Pfand.

fol. 83r Lange Nickeln kinder geld 19 schog. ^{a)}Wisset daz Hans Friberger inne hat 19 schog gr^{b)} des langen Nickeln kindere geld, Nickels und Heinczen, davon er den kinden alle jare czu cinse geben sol czwei schog gr ane 6 gr, halp uff senthe Walpurgentag und halp uff senthe Michels tag. Vor daz geld hat der megnante Hans Friberger dem rat der stad czu der kindere hand gesaczt czu phande alle syne erbe und guter, huws und ackere, daz vor allen luten dy kinder ir geld habin schollen. Wenne er des geldes nymmer wil by ym haben, so sol er^{c)} daz oin viertel jars dem rat vor ufsagen. Daz selbe sol der rat wider thun. Ouch geschee, daz sich dy muncze wandelt und vorlagen